

Urbano Esmerode espera que o negocio do parque eólico “sexá rentable” .

Escrito por Alvaro Peralta
Mércores, 22 Decembro 2010 15:33



O presidente da Entidade Menor Local de Morgadáns Urbano Esmerode Domínguez manifestou o desexo de que a operación coa empresa adxudicataria “sexá rentable para a Entidade”. Ao mesmo tempo asegurou que descoñecía a resolución da Consellería de Industria, Enerxía e Minas ao momento de ser consultado (onte martes pola noite) pola que a Área de Desenvolvemento Eólico da Zona 5 TV-20 Serra do Galiñeiro fora concedida á empresa TERRA DO VENTO S.R.L..

Unha das primeiras reaccións de Esmerodes ademais da sorpresa pola información, foi a intención de chegar a un acordo que sexa beneficioso para ambas as dúas partes: administración e empresa adxudicataria. O presidente da Entidade ten claro que o punto clave será o prezo a pagar polas empresas do solo utilizado polo parque eólico. Unha negociación que Esmerodes quere levar a diante co consenso de tódalas forzas políticas con representación na Entidade Local.

A ameaza dunha expropiación por parte da Xunta é a espada de Damocles que pesa sobre as comunidades e administracións que terán que negociar cos grupos económicos que asumirán a explotación dos parques eólicos no seus solos. Esta posibilidade é unha ferramenta que ten as empresas para obter un prezo a baixa por parte dos propietarios e administradores dos montes afectados pola medida. No caso da serra do Galiñeiro os máis afectados son a Comunidade de Monte de Vincios e a Entidade Menor de Morgadáns.

Urbano Esmerode espera que o negocio do parque eólico “sexga rentable” .

Escrito por Alvaro Peralta

Mércores, 22 Decembro 2010 15:33

Emerode asegurou a Valminor.info, que sobre o punto as comunidades afectadas non tiveron máis encontros que una charla técnica brindada pola Universidade de Vigo para explicar o funcionamento dos parques. O presidente de Morgadáns asume que a administración non ten experiencia neste tipo de contratos moi afastados dos habituais aluguer de terreos por 4 o 5 anos coas empresas locais. Esmerode afirmou que vai asesorarse cun técnico e reiterou o interese en contar co apoio de tódolos grupos políticos para a negociación.